



ATASSUT

01. 10. 2020

Siverth K. Heilmann

UKA 2020/183 &

UKA 2020/187

Uunga siunnersuut: Naartunermi, erninermi meeravissartaarnermilu sulinnigiffeqartarneq pillugu inatsisartut inatsisaat nr. xx, xx. xx 2020-imeersoq.

Kiisalu

Uunga siunnersuut: Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2020-imeersoq. (Qulaajaanerit, piginnaangorsaaqqiinerit, najukkani pissutsit pissutigalugit tapiissuteqartitsigallarnerit aamma Siusinaartumik pensionisiaqarnermut maalaaruteqartarfimmut maalaaruteqarsinnaaneq pillugu erseqqissaaneq)

(Isumaginninnermut, Ilaqutariinnut Inatsisinillu Atuutsitsinnermut Naalackersuisoq)

Siullermut immikkoortoq 183-mut. Naartunermi, erninermi meeravissartaarnermilu sulinnigiffeqartarneq pillugu Inatsisartut inatsisissaannut Naalackersuisut saqqummiussaannut imatut naatsumik Atassummiit oqaaseqarfigissavarput.

Naalackersuisunit inatsisissatut saqqummiunneqartoq pillugu, Atassutip oqaatigereersinnaavaa naleqqussaansamik siunertaqarneq tunngaviatigut tapersorsorsigtu. Pisariaqarluinnartutulli oqaatigissallugu tusarniaanermi kattuffinniik oqariartuutigineqartut naaperiutigineqarnissaat.

Kikkut tamarmik isumaqatigisaannik inatsisiliorneq naleqqussaannernilu ajornakusoorsinnaasarpog. Soorlu aamma uagut Atassummiit ukiorpaalussuit matuma siornagut, naartunermi, erninermi meeravissartaarnermilu sulinnigiffeqartarnerullu, suliffeqarfiit ikittunnguanik sulisulinnut aqqissuussinnermut ilanngunneqartalernissaa inatsisartutigoortumik anguniarsimagaluarparput iluatsinnaguli.

Nunatsinni suliffeqarnikkut sulisoqarnikkullu ineriartortitsiuarneqarput Atassutip pingaarteqaa. Suliffeqarfik mikigaluarluni amerlanngitsut sulisulik, allatuulli akileraartartuupput, taamaattumik inatsisiliortutut aqqissuussinnerit tamanut naammaginaruunissaat orniginarsartuarnissaallu Atassutip angorusutaannut ilaalluinnarpoq. Neriutigaarput suliap aappassaanerineqartigani, tamanut naammaginarumik ataatsimiititaliaq susassaartoq sulilluarumaartoq.

Aappaatut immikkoortoq 187-muttaaq Naalackersuisut inatsisartunut allannguutissamik saqqummiussaqaarnerat Atassutip oqaatigereersinnaavaa, siunnersuut tunngaviatigut tapersorsorsigtu imatullu naatsumik oqaaseqarfigissallugu.

Nunaqavissut akornanni, sulerusussuseq, aningaasarsiorusussuseq ilaqutariippassuarnullu pilersueqataarusussuseq qangaanerusoq assut ersarissimanera nuannaarutigalugu eqqaanngitsoorsinnaanngilarput, ilami inuit timimikkut innarluuteqaraluartulluunniit



suliffeqarfinniinnaangitsoq, sulinissaminnut pisussaaffigalugu tunniusimalluartut takussaasimaqaat.

Inatsisartuni inatsisiliortutut, ikiortariaqavissut ikorneqarnissaannut il il naleqqussaajuernerit pisussaaffigullu manna suli tikillugu pisariaqarmat ingerlattuarpagut. Qangaanerusoq kommuunet pingaartumik isumaginninnermut peqqinnissamullu ataatsimiititaliaasut, nakorsamik suleqateqarlunnarluni, siusinaartumik pensionisiaqalernissamut naqissuserneqarniaraanni qulakkeerinnissimanissaq anguneqartarpoq.

Ikorsiissuteqarnissaq siunertaralugu, inatsisiliagut pitsaaquteqarlutillu sanngiiffeqarsinnaanerilu innuttaasut ilaannit pisinnaatitaaffiusut ilikkapallanneqartarput, tassami siusinaartumik pensionisiat annikigineqarlutik suleqqilerusullutik saaffiginnittarput. Suliffeqalaariarluni maanaannaq suliunnaartarneq, suliffissarsiortutullu naqitsinissaq aningaasannorlugillu tunniunneqarnissaannut pissarsinissartik qinerajunneqartarpoq, pisussaaffiummallu tunineqarlutik.

Inuit peqqissut suliinnarnissamullu pisinnaagaluit ikorsiissutinik pissarserusunneq ujartarpaat, naak ukiuni makkunani nunaqavissunik sulisussanik amigaateqaqaluta suaaruteqartuarluta, avaataaniillu sulisussanik tikisitsisariaqarneq politikikkut qinertariaqartarlutigu. Taamatut ineriartorneq ingerlaannassappat nunarput namminiilivinniartoq, imminut ataqatigiinngitsoqarnera assertuussutiginaq iluarsinissamut politikikkut paaseqatigiiffigisigu.

Naalakkersuisut Atassutip isumaqatigilluinnarpai, siusinaartumik pensionisiaqarnissaminnik qinnuteqartut tamarmik sulisinnaassutsip ineriartortinnissaanut piginnaangorsaqqiinernut il il aqutissiuunneqartuarnissaat anguniartuartariaqaripput.

Taamatut naatsumik immikkoortunut marlunnut saqqummiunneqartut oqaaseqarfigaagut, Atassutmiit inassutigissavarput, suliap aappassaaneerneqannginnermini ataatsimiititaliami susassaartumi peqqissaarullugu suliareqqaarneqarnissaa.

